

廣東通志

自卷四十五至
卷四十六之上

內閣文庫		
四 函	三 九 六 九	漢 書
一 〇	六 九 二	冊 號 類

內閣文庫		
二 九 二 函	三 九 六 九	漢 書
四 架	六 九 二	冊 號 類

(〇四五卅)

內閣文庫		
番號	漢	3969
冊數	692 (540)	
函號	291 97	

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





廣東通志卷第四十五

列傳二 名宦二 南朝 隋

淺草文庫

張茂度吳郡人初名裕與宋武帝諱同故以字稱祖
彭祖廣州刺史父敞侍御史度支尚書吳國內史茂
度義熙末為始興相經盧循寇後解宇焚燒民物凋
散百不存一茂度剏立城寺弔死撫傷收集離散民
丸漸復在郡一周徵為太尉參軍揚州中從事累遷
別駕武帝伐劉毅北伐關洛皆居守留任州事出為
都督廣州刺史平越中郎將綏靜百越嶺外安之除
廷尉轉尚書吏部郎騎都尉元嘉元年為侍中都督



益州刺史七年為都官尚書光祿大夫十八年除會稽太守明年卒于官謚曰恭子子演鏡永辯岱俱知名時謂之張氏三龍辯太宗亦見任遇歷尚書吏部郎廣州刺史大司農據晉書廣州志姑蘇志參脩王鎮之字伯重瑯琊臨沂人曾祖虞晉驃騎將軍世著宣績鎮之初為瑯琊王參軍出為令守在官清潔義熙末遷御史中丞執正不撓百僚憚之出為建威將軍平越中郎將廣州刺史加都督劉裕謂人曰鎮之少著清績必將繼美吳隱之嶺南之弊非此子不康也在鎮果不受祿俸蕭然無營去官之日不異初

至裕初建相國府為諮議參軍遷宋臺祠部尚書及裕篡哥以脚患自陳出為瑯琊太守永初三年卒于

官年六十六

據宋書廣州志參脩

劉劭字伯猷彭城上里人也祖懷義始興太守父頴之汝南新蔡二郡太守劭少有志節兼好文義家貧仕宋初為廣州增城令吏幹精通民夷讐服刺史劉道錫引為揚烈府主簿道錫嘗遣劭詣京都文帝引見之酬對稱旨除寧遠將軍綏建太守元嘉末蕭簡據廣州為亂劭起義討之燒其南門簡平刺史宗慤又命為軍府主簿以功封大亭侯除員外散騎侍郎

大明初遣費沈伐陳檀不克乃除勔龍驤將軍西江
督護鬱林太守太宗卽位遷輔國將軍後拜廣州刺
史方討殷琰於豫州不克拜勔著聲南土廣人思之
元徽中桂陽王休範作亂勔與戰死之事平贈司空
謚曰忠昭公子俊嗣順帝昇明末為廣州刺史齊受
禪國除孫覽為始興內史居郡尤勵清節據宋書廣
州志參條
徐豁字萬同東莞姑幕人也父邈晉太子左衛率豁
起家太學博士元嘉初為始興太守三年遣大使巡
行四方并使郡縣各言損益豁因此表陳三事其一
日郡
大田武吏年滿十六便課米六十斛十五以下至十
三皆課米三十斛一戶隨丁少悉皆輸米且十三

歲鬼未堪田作或是單迥無相兼通年及應輸便自
逃逸既通接蠻俚去就益易或乃斷截支體產子不
養戶口歲減是此之由謂宜更量課限使得存立今
若減其米課雖有交損考之將來理有深益其二曰
郡領銀民三百餘戶鑿坑採砂皆二三丈功役既苦
不顧崩壓一歲之中每有死者官私檢切猶致逋違
老少相隨未絕農業千有餘口皆資他食豈唯夫
不耕或受其饑而已所以歲有不稔便致其困尋臺
郵用米不異於銀謂宜准銀課米卽專為便其三曰
中宿縣俚民課銀一子丁輸南稱半兩尋此縣自不
出銀又俚民皆巢居鳥語不閑貨易之宜每至買銀
為檢已甚又稱兩受入易生姦巧山俚愚怯不辨自
申官所課甚輕民以所輸為劇在郡著績太祖嘉之
今若聽計丁課米公私兼利
下詔曰始興太守豁潔已退食恪居在官政事脩理
惠澤沾被近嶺南荒弊郡境尤甚拯卹有方濟厥飢
饉雖古之良守蔑以尚焉宜蒙褒賁以旌清績可賜

絹二百匹穀千斛五年以為持節都督廣交二州諸
 軍事寧遠將軍平越中郎將廣州刺史未拜卒時年
 五十一太祖又下詔曰豁廉清勤恪著稱所思故擢
 授南服申其才志不幸喪殞朕甚悼之可賜錢十萬
 布百匹以營葬事據宋書詔州志參脩
 陸徽字休猷吳郡吳人也郡辟命主簿歷至尚書都
 官郎出補建康令清平無私為太祖所善元嘉十四
 年為始興太守明年仍除使持節交廣二州諸軍事
 綏遠將軍平越中郎將廣州刺史清名亞王鎮之為
 士民所愛詠上表薦士語在事紀堂旌戎士陳南妻

貞節禮俗化行遠邇稱之二十一年徵為南平王錄
 冠軍司馬後轉益州刺史二十九年卒時年六十二
 身亡之日家無餘財太祖甚痛惜之詔曰徽厲志廉
 潔歷任恪勤奉公盡誠克已無倦褒榮未申不幸夙
 殞言念在懷以為傷恨可贈輔國將軍本官如故賜
 錢十萬米二百斛謚曰簡子子叡正貞外郎據宋書廣州志
參弟展郎從臧質討戴法興者也雅擅詩名宗室臨
 川康王義慶都督江州招聚文學之士遠近畢至太
 尉袁淑文冠當時請為衛軍諮議參軍其次則展及
 東海何長瑜鮑照等並有辭章之美引為佐史國臣

而展尤老成不苟著作發所見聞上泝秦漢下逮晉
宋與義慶作為世說新語褒貶規諷簡約玄澹人喜
傳之後長瑜於江陵寄書與宗人何勗以韻語序義
慶州府僚佐首朝展鬢髮而輕薄少年遂演而廣之
並為題目皆加劇言苦句其文流行義慶大怒白文
帝除廣州增城令義慶薨後廬陵王紹鎮尋陽以長
瑜為南中郎行參軍掌記室行至板橋遇暴風溺死
展受其謔聞其死未嘗少有快色後展為南海太守
政務勤恤不事煩瑣吏民便之復改尋陽太守見事
紀展有集九卷行于世今亡據宋書藝文志參脩○
按隋書展與平南將軍

何長瑜征虜記室參軍鮑照皆在集但長瑜曰平南
將軍與宋書所紀職名不同長瑜所朝展詩止以其
老不及行檢蓋亦
不失為端士也

檀和之高平金鄉人父憑積有軍功和之智畧尤著
文帝嘗稱其有將才元嘉十六年為始興內史在郡
課耕桑靖獄市吏治明果境內肅然士民敬之會交
州立宋隆郡工役未竣二十年冬十二月庚午詔以
和之為交州刺史涖交留意足民民忘工築之勞乃
更練武會林邑王陽邁貢獻陋薄而寇盜不巳文帝
忿其違傲二十三年以和之為龍驤將軍領交廣兵
及振武將軍宗慤伐之和之遣司馬蕭景憲為前鋒

陽邁聞之懼欲輸金一萬斤銀十萬斤銅三十萬斤
 還所畧日南戶其大臣毒僧達諫止之乃遣大帥范
 扶龍戍其北界區粟城景憲攻城克之乘勝入象浦
 陽邁以具裝被象來拒慈製獅子形禦之象果驚奔
 遂克林邑陽邁父子並挺身逃奔獲其珍異皆是未
 名之寶又銷其金人得黃金數十萬斤和之既克遠
 夷益自謙慎以餘財頒及交廣軍士捷聞召還以功
 封雲柱縣子景憲代刺交州二十四年冬十月和之
 南還至豫章值豫章民胡誕世及殺太守檀隆之和之
 討誕世平之孝建三年為南兖州刺史坐事免官病

卒追贈左將軍謚曰襄子和之歷仕所至有威名盜

賊屏迹每出獵猛獸伏不敢起云

據宋書南史參脩

王琨瑯邪臨沂人宋侍中護軍將軍華之從父弟也

孝建中為建威將軍平越中郎將廣州刺史南土沃

實官此者常致巨富世云廣州刺史但經城門一過

便得三十萬琨無所取納表獻祿俸之半州鎮舊有

鼓吹又啓輸還人服其清謂隱之不能過及罷任孝

武知其清慰問甚至

據廣州志脩

陸法真吳郡人宋孝武時歷官有清節嘗為劉秀之

安北錄事叅軍羊希與孫洗書曰足下同僚陸錄事

東南名士又張玄外孫持身至清年高官下秉操不
衰當日夕相與申意明帝初為南海太守時廣州部
將李萬周以南江督護之兵作逆殺刺史袁曇遠將
有異圖法真保障民庶鎮靜不擾郡境賴之竟以勞

悴卒于官

據姑蘇志廣州志參脩

沈法系字體先吳興武康人太尉慶之從弟有將用
初為趙伯符將佐後隨慶之征五水蠻世祖伐逆以
為南中郎參軍事平以為寧朔將軍始興太守封平
固縣侯討蕭簡於廣州語在事紀廣州平官至驍騎

將軍

據宋書始興記參脩

宗慤字元幹南陽涅陽人叔父少文高尚不仕慤年
少言志願曰乘長風破萬里浪少文曰汝富貴人也
慤任氣好武不為鄉曲所知隨江夏王義恭鎮廣陵
補國上軍將軍元嘉二十二年伐林邑語在檀和之
傳既克林邑珍寶不可稱計慤一毫無犯惟有被梳
枕刷此外蕭然三十年伐逆有功孝武即位以為左
衛將軍封洮陽侯假節平越中郎將為廣州刺史語
在事紀後遷豫州監五州諸軍事先是鄉人庾業家
富豪後侯服玉食與賓客相對膳必方丈而為慤設
粟飯菜茹謂客曰宗軍人串噉簋食慤致飽而退初

無異辭至是業為愨長史待之甚厚人服其量後刺

雍州加都督卒贈征西將軍謚曰肅侯據宋書廣州舊志參修

羊希字泰聞太山南城人也少有才氣為尚書左丞

泰始三年為寧朔將軍廣州刺史四年希以沛郡劉

思道行晉康太守領軍伐俚思道違節失利希遣收

之思道不受命率所領襲州希踰城走思道獲而殺

之希子崇字伯遠尚書王客郎丁母憂哀毀過禮及

聞廣州亂即日便徒跣出新亭不能步涉頓伏江渚

門義以小船致之父葬畢乃不勝哀而卒據宋書脩

孫奉伯東莞莒人也鑒識清朗文藝暢美為尚書吏

部郎事明帝時方騷亂多有感傷之作出為始興太

守治郡惟重禮教泰始五年太子納妃江氏上諷朝

士州郡令獻物多者將直百金奉伯止獻琴書其外

無餘物上大怒封藥賜死既而原之其不害民以取

媚大率類此後召為少府卿復拜淮南太守淮南一作南海

守使往淮陰監元會與蕭道成同寢有異夢覺謂曰

兄當大庇生民弟不見也果卒于宋末道成後為齊

高帝奉伯有集十卷行于世今不傳子廉歷仕梁陳

位至御史中丞據宋書南史

韶州志參脩

陳伯紹潁川人晉南渡家于吳興遂為吳興人伯紹少勇智英發事廣州刺史袁粲遂為偏裨討始興劉嗣祖破之及歸宋明帝官龍驤將軍泰始四年妖人劉思道作逆進攻廣州殺刺史羊希嶺海大震東官太守蕭惠徽與戰敗死伯紹領西江兵討思道誅之遂代守東官為西江都護以合浦北界夷獠叢居隱伏巖障寇盜不賓略無編戶乃帥兵二千人獵于北地見二青牛驚走入草使人逐之不得乃誌其處云此地當有奇祥啓立為越州明帝命為交州刺史使經營焉七年始置百梁龍蘇永寧安昌富昌南流六

郡割廣交朱鷲三郡來屬元徽二年以伯紹為刺史督交越二州軍事始立州鎮穿山為城門以保邊境俗呼為青牛城伯紹恩惠及民威服徭土有瘴氣殺人漢世交州刺史每暑月輒避處高故交土調和越瘴獨甚刺史常事戎馬唯以勦伐為務至是風土漸變編戶漸繁民甚德之伯紹卒民為立祠于今郡治東北三十里以與陳霸先同族霸先受禪嘗尊為王故謂之陳王祠據宋書廉州志參脩。按廉州志謂陳霸先謂伯紹為祖卽位後尊為帝今考陳書無之故不取到道彭城武原人祖彥之宋驃騎將軍父仲度從事

中郎兄搆襲爵建昌公遁元徽中為寧遠將軍輔國
 長史南海太守在郡嚴公有威刺史陳顯達出令遁
 不苟從及蕭道成將行篡逆沈攸之起兵致討顯達
 反援道成遁以力諫見殺遁家人在都從野夜歸見
 兩三人持堊刷其家須臾滅明日而遁死問至據齊書脩
 謝昌寓陳郡人也家貧仕為劉悛廣州參軍孝性甚
 至嘉穀瓊果非父母先嘗不敢自食少有俸給供養
 之餘輒施予人嘗養一鵠昌寓病二旬而鵠二旬不
 食昌寓亡而鵠遂飛去廣人異之據南史太平廣記參脩
 孫曇瓘吳郡人少讀書知大義明兵法果幹有氣力

泰始中會稽吳郡不服明帝篡立太守顧琮用曇瓘
 為偏裨後歸朝為屯騎校尉母運矛超距軍士率服
 元徽五年夏五月遷越州刺史俾選越騎入衛合浦
 吏民聞其將畧莫不聽命尋進加輔國將軍蕭道成
 立順帝將行篡逆是年冬十一月司徒袁粲謀欲討
 之以負外散騎侍郎胡羨生行越州事徵曇瓘至建
 康粲與尚書令劉秉等遂起兵據石頭曇瓘帥越騎
 密相響應已而粲使蘇烈據倉城道成遣其帳內軍
 主戴僧靜將腹心先至石頭射書與烈夜緝入城粲
 登城西南門烈燭火處分臺軍至射之火乃滅回登

東門曇瓏驍勇善戰每盪一合輒大殺傷臺軍死者百餘人軍主王天生殊死拒戰故得相持自亥至丑有流星赤色照地墜城中僧靜率力攻倉門身先士卒衆潰僧靜手斬絜於是外軍燒門入曇瓏獨與廣人龍蘇數騎脫走歸吳明年冬十月巳卯被道成捕得見殺初曇瓏之亡命也范法詢妻褚氏謂其子僧簡曰孫越州先姑之姊子與汝父親則從母兄弟交則義重古人逃竄脫不免汝宜收之曇瓏尋伏法褚氏令僧簡往歛葬據宋書齊書參脩

范雲字彥龍南鄉舞陰人晉平北將軍汪六世孫少

機警善屬文起家書佐永元初以散騎侍郎出爲始興內史潔已省費百姓安之舊郡界得亡奴婢悉付作部曲卽貨去買銀輸官雲乃先聽百姓誌之若百日無主依判送臺又郡相承後堂有雜工作雲悉省還役並爲帝所賞郡多豪猾大姓二十石有不善者輒共殺害不則逐之邊帶蠻俚尤多盜賊前內史皆以兵刃自衛雲入境撫以恩德罷亭候商賈露宿郡中稱爲神明遷廣州刺史平越中郎將至任遣使祭孝子羅威唐頌蒼梧丁密頓琦等墓時江祐姨弟徐藝爲曲江令祐深以託雲有譚儼者縣之豪族藝鞭

之儼以為耻至都訴雲雲坐徵還下獄會赦免後事
梁武帝為吏部尚書以佐命功封霄城縣侯終尚書

左僕射卒謚曰文子孝才嗣據梁書韶州志

王僧孺東海郟人也魏衛將軍肅八代孫五歲讀孝

經知大義六歲能屬文既長好學家貧常傭書以養

母所寫既畢諷誦亦通仕齊歷至治書侍御史出為

唐令任昉贈詩梁書詩畧曰惟子見知惟余知子觀

蒞形應影隨曩行今止百行之首立人斯著子之有

之誰毀誰譽脩名既立老至何遽誰其執鞭吾為子

御劉畧班藝虞志荀錄伊昔有懷交相欣最其為士

友推重如此梁天監初除臨川王後軍記室參軍待

詔文德省尋出為南海太守南海俗殺牛舊曾無限

忌僧孺至便禁斷又外國寶物高涼生口及海舶每

歲數至皆外國賈人以通貿易舊時州郡以半價就

市又買而即賣其利數倍歷政以為常僧孺嘆曰昔

人為蜀部長史終身無蜀物吾欲遺子孫者不在越

裝並無所取視事期月有詔徵還郡民道俗六百人

詣闕請留不許既至拜中書郎領著作復直文德省

後知撰譜事普通三年卒年五十八據梁書廣

何遠字義方東海郟人武帝擢為宣城太守暮年遷

樹功將軍始興內史時泉陵侯朗為桂州綠道多剽

掠入始興界草木無所犯遠在官好開途巷脩葺牆
屋人居市里城隍廐庫所過若營家焉田秩奉錢並
無所取歲暮擇人尤窮者免其租調以此為常然其
聽訟猶人也不能過絕而性果斷人畏而惜之所至
皆生為立祠表言政狀帝每優語答焉據梁書詔
州參脩
柳惲字文暢河東解人也少有志行好學善尺牘仕
齊驃騎從中郎高祖至京邑惲伏謁石頭以為冠軍
將軍天監元年除長史兼侍中惲立性貞素以貴公
子早有令名少工篇什為詩云亭臯木葉下壠首秋
雲飛瑯邪王融見而嗟賞因書齋壁及所執白團扇

武帝與宴必詔惲賦詩侍武帝登景陽樓篇云太液
滄波起長楊高樹秋翠華承漢遠彫輦逐風遊深見
賞羨當時咸共稱傳八年以左民尚書除持節都督
廣交桂越四州諸事仁武將軍平越中郎將廣州刺
史徵為祕書監領左軍將軍復為吳興太守為政清
靜民吏懷之十六年卒于郡年五十三子偃尚長城
公主拜駙馬都尉都亭侯據梁書廣
州志參脩
樂藹字蔚遠南陽滄陽人晉尚書令廣之六世孫也
家居江陵方願隆準舉動醞藉其舅雍州刺史宗慤
嘗陳器物試諸甥姪藹時尚幼而無所取慤由此奇

之天監初累遷御史中丞二年出為平越中郎將廣
 州刺史前刺史徐元瑜罷歸遇始興人士反逐內史
 崔陸舒因掠元瑜財產元瑜走歸廣州借兵於藹託
 欲討賊而實謀襲藹覺誅之尋卒於官據梁書條
 蕭勵字文約南蘭陵人梁武帝從父弟吳平忠侯景
 之長子也弱不好弄喜愠不形於色位太子洗馬毋
 憂去職殆不勝喪景薨葬後廬墓自豫章內史徙廣
 州刺史廣州邊海舊饒外國舶至多為刺史所侵每
 年舶至不過三數及勵至纖毫不犯歲十餘至俚人
 不寶多為海暴勵征討所獲生口寶物軍賞之外悉

送還臺前後刺史皆營私畜方物之貢少登天府自
 勵在州歲中數獻軍國所須相繼不絕武帝嘆曰朝
 廷便是更有廣州有詔以本號還朝而西江俚帥陳
 文徹出寇高要又詔勵重申蕃任未幾文徹降附勵
 以南江危險宜立重鎮乃表臺於高涼郡立州仍以
 為高州勵以績最微為太子左衛率勵性率儉而器
 度寬裕左右嘗將羨正曾前翻之顏色不異徐呼更
 衣聚書至三萬卷披翫不倦尤好東觀漢記畧皆誦
 憶劉顯執卷策勵酬應如流乃至卷次行數亦不差
 失少結交唯與河東裴子野范陽張績善卒於道贈

侍中謚曰光侯勳弟勃大寶初廣州刺史元景仲將
 謀應侯景西江都督護陳霸先攻景仲迎勃乃鎮嶺
 南為廣州刺史後江表定以王琳代為廣州以勃為
 晉州刺史魏尅江陵勃復據廣州敬帝承制加司徒
 紹泰中為太尉尋進為太保及陳武禪代之際舉兵
 不從尋敗遇害

據南史廣州志參條

蘭欽字休明中昌魏人幼而果決趨捷過人宋末隨
 父子雲在洛陽恒於市騙橐駝後子雲還南梁天監
 中以軍功至冀州刺史欽兼文德主帥征南中五郡
 諸洞反者所至皆平欽有謀略勇決善戰步行日二

百里勇武過人善撫馭得人死力以軍功封安懷縣
 男累遷都督梁南秦二州刺史進爵為侯征梁漢事
 平進號智武將軍改授都督衡州刺史經廣州因破
 俚帥陳文徹兄弟并禽之至衡州進號平南將軍改
 封曲江縣公在州有惠政吏人詣闕請立碑頌德詔
 許焉後為廣州刺史前刺史新渝侯映之薨南安侯
 恬權行州事冀得即真及聞欽至嶺厚貨厨人塗刀
 以毒削瓜進之欽及愛妾俱死帝聞大怒檻車收恬
 削爵土欽子真禮侯景至歷陽率其部曲邀景兵敗

死之據梁書脩

王勣字公濟琅邪臨沂人父琳司徒左長史齊代娶
 梁武帝妹義興長公主勣美風儀博涉經史恬靜清
 簡未嘗以利欲干懷天監初為國子周易生射策舉
 高策除祕書郎大同末拜冠軍南海太守為廣州
 刺史河東王譽長史譽至嶺南多所侵掠因懼罪稱
 疾委州還朝以勣行廣州府事越中饒沃前後守宰
 例多貪縱勣獨以清白著聞入為給事黃門侍郎及
 蕭勃平後以勣舊在嶺表早有政績乃授使持節都
 督廣州等二十州諸軍事平南將軍平越中郎將廣
 州刺史未行改為衡州刺史蕭莊據有上流衡廣携

貳勣不得之鎮留于大庾嶺天嘉元年徵為侍中終

尚書右僕射卒贈中書監諡曰溫

據梁書廣
州志參脩

蕭介字茂鏡蘭陵人也祖思話宋開府儀同三司父
 惠禧齊左民尚書介少穎悟有器識博涉經史兼善
 屬文齊永元末釋褐著作佐郎天監六年除太子舍
 人累遷給事黃門侍郎大同二年武陵王為揚州刺
 史以介為府長史在職清白為朝廷所稱高祖謂何
 敬容曰蕭介甚貧可處以一郡敬容未對高祖曰始
 興郡頃無良守嶺上民頗不安可以介為之由是出
 為始興太守介至任宣布威德境內肅清七年徵為

少府卿尋加散騎常侍後補侍中中大同二年辭疾
 致事高祖優詔不許終不肯起乃遣謁者僕射魏祥
 就拜光祿大夫太清中侯景於渦陽敗走入壽陽高
 祖敕防主常默納之介聞而上表切諫高祖不能用
 年七十三卒於家子允初官至光祿大夫據梁書脩
 王琳字子珩會稽山陰人本兵家元帝居藩琳姊妹
 兼入後庭見幸琳由此未弱冠得在左右少好武遂
 為將帥後拜湘州刺史使拒武陵王紀紀平授衡州
 刺史元帝性多忌以琳所部甚盛又得衆心故出之
 嶺外又授都督廣州刺史其友人主書李膺帝所任

遇琳告之曰琳蒙拔擢常欲畢命以報國恩今天下
 未平遷琳嶺外如有萬一不虞安得琳力忖官正疑
 琳耳琳分望有限可得與官爭為帝手何不以琳為
 雍州刺史使鎮武寧琳自放兵作田為國捍禦若警
 急動靜相知孰若遠棄嶺南相去萬里一日有變將
 欲如何琳非願長坐荆南政以國計如此耳膺然其
 言而不敢啓遂率其衆鎮嶺南元帝為魏圍逼乃徵
 琳赴援除湘州刺史據通鑑梁書參脩
 杜稜字雄盛吳郡錢唐人世為縣大姓稜頗涉書傳
 少落魄不為當世所知遂遊嶺南事梁廣州刺史新

渝侯蕭映映卒從陳武帝恒典書記侯景之亂命稜
將領平蔡路養李遷仕皆有功軍至豫章梁元帝承
制授稜仁威將軍石州刺史上陌縣侯邑八百戶據陳

書脩

胡穎字方秀吳興東遷人偉姿容性寬厚梁世仕至
武陵國侍郎東宮直前出番禺征討俚洞廣州西江
督護陳霸先在廣州穎仍自結托霸先與其同郡接
遇甚隆及南征交趾穎從行役餘諸將帥皆出其下
及平李賁武帝旋師穎隸在西江出兵多以穎留守
侯景之亂霸先克元景仲仍度嶺援臺平蔡路養李

遷仕穎皆有功歷平固遂興二縣令承聖初元帝授
穎假節鐵騎將軍羅州刺史封漢陽縣侯邑五百戶
穎弟鑠亦隨穎將軍穎卒鑠統其衆歷東海豫章二
郡守遷負外散騎常侍隨章昭達南平歐陽紇為廣
州東江督護還預北伐除雄信將軍歷陽太守太建
六年卒贈桂州刺史據陳書脩
杜僧明字弘照廣陵臨澤人也形貌眇小而有膽氣
善騎射梁大同中盧安興為廣州刺史南江督護僧
明與兄天合及周文育並為安興所害請與俱行頻
征俚獠有功為新州防助天合亦有材幹預在征伐

安興死僧明復副其子子雄及交州豪士李賁及逐
刺史蕭諮諮奔廣州臺遣子雄與高州刺史孫罔討
賁時春草已生瘴癘方起子雄請待秋討之廣州刺
史新渝侯蕭映不聽蕭諮又促之子雄等不得已遂
行至合浦死者十六七衆並憚役潰散禁之不可乃
引其餘兵退還蕭諮啓子雄及罔與賊交通逗留不
進梁武帝敕於廣州賜死子雄弟子略子烈並豪俠
家屬在南江天合謀於衆曰盧公累葉待遇我等亦
甚厚矣今見枉死而不能爲報非丈夫也我弟僧明
萬人之敵若圍州城召百姓誰敢不從城破斬二侯

然後待臺使至束手詣庭尉死猶勝生縱其不捷亦
無恨矣衆咸忼慷曰是所願也唯足下命之乃與周
文育等率衆結盟奉子雄弟子略爲主以攻刺史蕭
映子略頓城南天合頓城北僧明文育分據東西吏
人並應之一日之中衆至數萬陳武帝時在高要聞
事起率衆來討大破之殺天合擒僧明及文育等並
釋之引爲主帥武帝征交趾及討元景仲僧明文育
並有功侯景之亂俱隨武帝入援建鄴武帝於始興
破蘭裕僧明爲前鋒斬裕梁元帝承節授新州刺史
臨江縣子及荊州覆亡隨侯瑱西援於江州病卒贈

散騎常侍謚曰威陳文帝卽位追贈開府儀同三司

據陳書脩

沈恪吳興武康人始事梁新渝侯蕭映映遷廣州以
恪兼府中兵參軍常領軍討伐俚洞盧子略之反也
恪拒戰有功除中兵參軍後高祖討李賁仍遣妻附
恪還鄉尋補東宮直衛又以嶺南勦除負外散騎常
侍後高宗卽位大建元年以恪都督廣衡交越成定
新合羅愛德宜黃利安石雙等十九州諸軍事鎮南
將軍平越中郎將廣州刺史初入廣州惟兵荒所在
殘毀恪綏懷安輯被以恩惠嶺表賴之後入為衛尉

卿常侍將軍如故尋加侍中遷護軍將軍後進金紫

光祿大夫卒年四十七謚曰元據陳書廣州志參脩

周文育字景德義興陽羨人也少孤貧年十一能反
覆游水中數里跳高五六尺及壯善騎射會盧安興
為南江督護啓文育同行累征有功除南海令能勸
課百姓彈壓盜賊安興死後文育與杜僧明攻廣州
為陳高祖所獲宥之及高祖討侯景文育有功封壽
昌縣公廣州蕭勃兵起文育又平之授鎮南將軍開
府儀同三司都督江廣衡交諸軍事後死難贈司空

謚曰忠愍據陳書廣州志參脩

周鐵虎不知何許人也梁世南渡語音僞重矜力過人便馬槊事梁河東王蕭譽以勇敢聞譽拔爲府中兵參軍譽爲廣州刺史以鐵虎爲興寧令及譽遷湘州又爲臨蒸令侯景之亂元帝於荊州遣世子方等代譽且以兵臨之譽拒戰大捷方等死鐵虎功最譽委遇甚重及王僧辯討翼於陣獲鐵虎僧辯命烹之鐵虎呼曰侯景未滅柰何殺壯士僧辯奇其言乃宥之還其麾下及侯景西上鐵虎從僧辯克任約獲宋子仙毋戰皆有功元帝承制授仁威將軍潼州刺史紹泰二年遷散騎常侍以嚴威將軍太子左衛率尋隨

聞陳霸先征交趾厚禮招之度乃委質侯景之亂霸先克定廣州平蔡路養破李遷仕計畫多出於度兼統兵甲每戰有功歸至白茅灣梁元帝授寧朔將軍於行伍中遂留心吏事斷獄甚愜民情由是有聲衡廣間及譽遷湘州又令侯景之亂元帝於荊州遣世子方等及鐵虎等與之戰及上會戰獲鐵虎死鐵虎功最譽委遇甚重及上會戰獲鐵虎僧辯命烹之鐵虎呼曰侯景未滅柰何殺壯士僧辯奇其言乃宥之及侯景西上鐵虎從僧辯克任約獲宋子仙毋戰皆有功元帝承制授仁威

將軍潼州刺史紇二十一年遷黃

子左衛率尋隨周文育於南江拒蕭勃恒為前軍文

育又命鐵虎偏軍於苦竹灘襲勃前軍歐陽顥又隨

合州刺史侯景平後追錄前後戰功加通直散騎常

侍封廣德縣侯邑五百戶

據陳書脩

錢道戢字子韜吳興長城人少以孝行著聞及長頗

有材幹陳武帝微時以從妹妻焉天嘉元年為臨海

太守侯安都之討留異道戢帥軍出松陽以斷其後

異平以功拜都督衡州刺史始興內史後與章昭達

討歐陽紇紇平除左衛將軍

據陳書脩

章昭達字伯通吳興武康人也天嘉元年論長城功

封欣樂侯宣帝即位進號車騎大將軍以還朝遲留

為有司所劾降車騎將軍歐陽紇據嶺南反詔昭達

都督衆軍征之紇聞昭達淹至乃出頓淮口聚沙石

盛以竹籠置於水柵之外用遏舟艦昭達居其上流

裝艦造拍以臨賊柵又令人銜刀潛行水中以斫竹

籠籠筴皆解因縱大艦突之大敗紇擒之送都廣州

平進位司空

據陳書脩

沈君高吳興人除太子中庶子尚書吏部郎衛尉卿

出為宣遠將軍平南長沙王長史南海太守行廣州

事大建八年詔授持節都督廣等十八州諸軍事寧
遠將軍平越中郎將廣州刺史嶺南俚獠世相攻伐
君高本文吏無武幹推心撫御甚得民和十年卒于

官謚曰祁子

據陳書廣州志參脩

蔡景歷字茂世濟陽考城人也祖點梁尚書左民侍
郎父大同輕車岳陽王記室參軍掌京邑行選景歷
少俊爽有孝行家貧好學善尺牘工草隸解褐諸王
府佐出為海陽令為政明敏有能名陳霸先引為記
室參軍以功遷豫章內史封新豐縣侯終度支尚書
卒贈侍中謚忠敬

據陳書脩

歐陽頴字靖世長沙臨湘人少質直有思理言行著
於嶺表州郡頗辟不應廬於麓山寺專精習業博通
經史嘗隨廣州刺史蘭欽征討擒陳文徹所獲不可
勝計獻大銅鼓梁代所無頴預其功還為直閣將軍
欽征交州復啓頴同行欽卒於廣頴除臨賀內史啓
乞送欽喪然後之任討廣衡二州山賊有功累遷衡
州刺史蕭勃平以為廣州刺史

語見初交州刺史袁

曇緩密以金五百兩寄頴以百兩還合浦太守龔為
四百兩付兒智矩余人弗之知頴尋為蕭勃所破貲
財並盡唯所寄金獨存曇緩尋亦卒至是頴並依信



還時人莫不嘆服顧威震南土能助軍國天嘉四年

卒于廣州據梁書廣州志參脩○江摠廣州刺史歐陽頴墓誌畧曰家公晉尚書少府儒功高

於漢冊世君渤海太守又重乎晉原喪亂避地南徙公孝敬純深友悌惇睦家積遺財並讓諸季兼調同

壞公含率內映遠識沉通室嗜慾謹言行資真幹事廉隅梁室不造凶羯憑凌公被統執兇有志匡復梁

孝元帝授散騎常侍東衡州刺史始興縣侯而大戎弒逆宗社播遷陳纂王業揖讓攸歸高祖恩加惟舊

權使持節都督南衡二十二州諸軍事廣州刺史進為開府儀同三司山陽郡公進號征南將軍加鼓吹

一部巫山遠曲諠騎吹於日南芳樹清音肅軍容於海截追贈車騎將軍司空公涉獵六經優遊百氏寬

徑省賦化百越之歸心撫寒投醪感三軍之死力在室如賓寧慙屋漏不貪為寶每畏人知殺青無兼兩

之疑蕙以豈懷珠之謗茹蕞如粟不改夷齊之心遺慶遺風方留豹產之德○德政碑見藝文志

徐儉一名報東海郟人尚書陵之子也幼而脩立勤

學有志操汝南周弘直重其為人妻之以女梁元帝

召為尚書金部郎中嘗侍宴賦詩元帝嘆賞之曰徐

氏之子復有文矣魏平江陵還建鄴累遷中書侍郎

太建初廣州刺史歐陽紇舉兵反宣帝令儉持節喻

旨紇見儉盛列仗衛言辭不恭儉曰呂嘉之事誠當

已遠將軍獨不見近陳寶應乎紇默然不荅懼儉沮

衆不許入城置儉於孤園寺紇嘗出見儉儉謂曰將

軍業已舉事儉須還報天子儉之性命雖在將軍成

敗不在於儉幸不見留紇於是遣儉從間道馳還宣

帝乃命章昭達討紇以儉監昭達軍紇平為兼中書

通事舍人

據陳書脩

孫瑒字德璉吳郡吳人祖文惠齊越騎校尉清遠太守瑒少儻好謀畧博涉經史尤便書翰始為衡州平南府司馬破黃洞蠻賊有功除東莞太守行廣州刺史為人孝友性復通泰有財物散之親黨居處頗失於奢豪然非貨取也在州能理民夷懷之後為五兵尚書領右軍將軍侍中如故禎明元年卒于官謚曰桓子後主題銘後四十字

詞曰秋風動竹烟水驚波幾人樵徑何處山阿今時日月宿昔綺羅天長路遠地久雲多功臣未勒到此如何時論以為榮瑒二十

一子咸有父風

據陳書廣州志參脩

任忠字奉誠汝陰人少孤微不為鄉黨所耻及長諂詭多計略膂力過人尤善騎射太建中初隨章昭達討歐陽紇於廣州以功授直閣將軍

據陳書脩

毛爽者滎陽人也躬耕力學立身方雅事陳為陽山太守郡雜夷僚爽立條約禁民不與貿易由是爭掠日息聞隋兵渡江勒兵往援而建康不守會隋遣柱州總管周法尚至爽以兵寡不得已令衆縞素慟哭國亡而後就執法尚釋之爽不受隋官歸家益精律呂之學初柱國鄭譯請脩正雅樂詔太常卿牛弘博士何妥等議之積年不決譯言古樂十二律旋相為

宮各用七聲與蘇夔議累忝定律何妥自耻宿儒反
不逮譯等沮壞其事乃立議非十一律旋相爲宮及
十調先白帝云黃鍾象人君之德及奏黃鍾之調帝
曰滔滔和雅甚與我心會妥因奏止用黃鍾一宮不
假餘律帝悅從之久之牛弘使協律郎祖孝孫等參
定雅樂以禮運有旋宮從爽受京房律法布管飛灰
順月皆驗又每律生五音十二律爲六十音因而六
之爲三百六十音分直一歲之日以配七音而旋相
爲宮之法由是著名弘等乃奏復用旋宮法上猶記
何妥之言注弘奏下不聽作旋宮但用黃鍾一宮而

已爽法遂廢終開皇之世爽竟不出仕卒于家

據隋書通

鑑樂書

參脩

韋洸字世穆京兆杜陵人韋世康之子也性剛毅有
器幹少便弓馬仕周釋褐主寢上士高祖爲丞相從
季父孝寬擊尉遲迥於相州以功拜柱國進封襄陽郡
公邑二千戶及陳平拜江州摠管率騎二萬略定九
江陳豫章太守徐璿猶持兩端洸遣開府呂昂長史
馮世基以兵相繼而進旣至城下璿僞降其夜率所
部二千人襲擊昂昂與世基襲擊大破之擒璿於陣
高梁女子洸氏率衆迎洸遂進圖嶺南上遣洸書曰

公鴻勳大業名高望重率將戎旅撫慰彼方風行電掃感應稽服若使干戈不用兆庶獲安方副朕懷是公之力至廣州說陳渝州都督王猛下之嶺表皆定上聞而大悅許以便宜從事洸所綏集二十四州拜廣州總管歲係番禺夷王仲官聚衆爲亂以兵圍洸洸勒兵拒之中流矢而卒贈上柱國賜錦絹萬段謚曰敬子協嗣協字欽仁好學有雅量起家著作佐郎後轉秘書郎開皇中其父在廣州有功工令齊詔書勞問未至而父卒上以其父身死王事拜協柱國從歷定息秦三州刺史皆有能名卒于官

據隋書廣州志參脩

何稠字桂林西城人開皇初授都督累遷散騎侍郎開皇末桂州俚李先聚衆爲亂詔稠召募討之師次衡嶺遣使者諭其渠帥洞主莫崇解兵降欵桂州長史王文同鑠崇以詰稠所稠詐宣言曰州縣不能綏養致邊民擾叛非崇之罪也乃命釋之引崇共坐并從者四人爲設酒食而遣之崇大悅歸洞不設備稠至五更掩入其洞悉殺俚兵以臨餘賊象州逆帥杜條遼羅州逆帥龐靖等相繼降欵分遣建州開府梁昵討叛夷羅壽羅州刺史馮暄討賊帥李大檀並平之傳首軍門承制署首領爲州縣官而還衆皆悅服

有欽州刺史竇猛力率衆迎軍初猛力屈彊山洞欲圖爲逆至是惶懼請身入朝稠以其疾篤因示無猜貳遂放還州與之約曰八九月間可詣京師相見稠還奏狀上意不懌其年十月猛力卒上謂稠曰汝前不將猛力來今竟死矣稠曰猛力共臣爲約假令身死當遣子入侍越人性直其子必來初猛力臨終戒其子長真曰我與大使爲約不可失信於國士汝葬我訖卽宜上路長直如言入朝上大悅曰何稠著信蠻夷乃至於此以勳授開府

據隋書

慕容三藏燕人也父紹宗齊尚書左僕射三藏幼聰

敏多武畧開皇九年奉詔持節涼州道黜陟大使其年嶺南酋長王仲宣反圍廣州詔令柱國將軍襄陽公韋洸爲行軍總管三藏爲副洸至廣州與賊交戰爲流矢所中卒詔令三藏檢校廣州道行軍事十年賊衆四面攻圍三藏固守月餘城中糧少矢盡三藏以爲不可持久遂自率驍銳夜出突圍擊之賊衆敗散廣州獲全以功授大將軍賜奴婢百口加以金銀雜物

據隋書廣州志參條

裴矩字弘大絳州聞喜人奉詔巡撫嶺南時俚帥王仲宣逼廣州遣別圍東衡州矩與將軍鹿原赴之賊

立九壁屯大庾嶺矩進擊破之賊懼釋東衡州據原
 長嶺又擊破之斬其帥自南海趣廣州仲宣懼潰去
 綏集二十餘州又承制署其渠帥為刺史縣令及還
 報上大悅命升殿勞苦之顧謂高頴楊素曰常沈將
 二萬兵不能早度嶺裴矩以三千弊卒徑至南康有
 臣若矩朕亦何憂以功拜開封府賜爵聞喜縣公隋
書廣州志 令狐熙字長熙燉煌人也開皇中為汴州刺史考績
 為天下最上以嶺南夷越數為反亂徵拜桂州總管
 十七州軍事許以便宜從事刺史以下官得承制補

授給帳內五百人賜帛五百匹傳送其家累改封武
 康郡公熙至部大弘恩信其溪峒酋帥更相謂曰前
 時總管皆以兵威相脅今者乃以手教相諭我輩其
 可違乎時有甯猛力者與陳後主同日生自言貌有
 貴相在陳日已據南海平陳後高祖因而撫之即拜
 安州刺史然驕倨恃其險阻未嘗參謁熙手書諭之
 申以交友之分其母有疾熙復遣以藥物猛力感之
 詣府請謁不敢為非於是改安州為欽州在職數年
 上表請解所任日臣忝寄嶺表四載于茲大馬之年
收拙遊賢稍免官謗然所管遐曠撫綏尤難雖能頓
革夷風頗亦漸識皇化但臣宿患消渴比更增其筋

力精神轉就衰邁昔在壯齒猶不如優給不許賜以
 人况今年疾俱侵豈可猶當重寄
 醫藥熙奉詔令交州渠帥李佛子入朝佛子欲為亂
 請至仲冬上道熙意在羈縻遂從之有人詣闕訟熙
 受佛子賂而捨之上聞而固疑之既而佛子反問至
 上大怒遣使鎖熙詣闕熙性素剛行至末州憂憤發
 病而卒上怒不解於是沒其家財及行軍總管劉方
 擒佛子送於京師言熙實無賊貨上乃悟於是召其
 四子聽預仕焉少子德茶最知名據隋書脩
 王長述京兆霸城人授司憲大夫拜廣州刺史甚有
 威惠吏人懷之在任數年蠻夷歸之三萬餘戶朝議

嘉之拜大將軍後歷襄仁二州總管並有名後數歲
 以行軍總管擊南寧未至道病卒贈上柱國冀州刺

史據隋書廣州志參脩

皇甫誕字玄憲安定朝那人起家除周畢二府長史
 開皇中授廣州長史悅近來遠伐叛懷柔雕題緩耳
 咸漸其化後除益州總管司法據金石錄脩

侯莫陳穎字遵道代人也拜桂州總管七十州諸軍
 事大崇恩信民夷悅服後徵歸京師嶺南閩越多不
 附帝以穎前在桂林有惠政為南土所信服復拜南

海太守後四歲卒據隋書廣州志參脩

周法尚字德邁汝南安成人少果勁有風槩好讀兵書高祖受禪累遷永州總管安集嶺南賜縑五百段良馬五匹陳陽山大守毛爽等詣法尚降定州刺史呂子廓據山洞反法尚引兵踰嶺子廓兵日散與千餘人走保巖險其左右斬之而降尋轉桂州總管仍為嶺南安撫大使後數年入朝以本官宿衛賜綵三百段米五百石絹五百匹

據隋書脩

劉權字世略彭城豐人開皇中為南海太守行至鄱陽會群盜起不得進詔令權召募討之權率兵與盜賊相遇不與戰先乘單舸詣賊營說以利害群賊感

悅一時降附帝聞而嘉之既至南海甚有異政數歲遇盜賊群起數來攻郡豪帥多願推權為首權盡力固守以拒之子世徹又密遣人齎書詣權稱四方恒擾英雄並起時不可失諷令舉兵權召集僚對斬其使竟無異圖守之以死卒官時年七十

據隋書廣州志參脩

樊子蓋字華宗廬江人事隋高祖平陳有功官至齊州刺史轉循州總管許以便宜從事十八年入朝奏嶺南地圖賜以良馬雜物各統四州令還任所遣光祿少卿柳謩之餞於壩上煬帝即位徵還京師轉涼州刺史子蓋言於帝曰臣一居嶺表十載於茲犬馬

之情不勝戀戀願趨走闕庭萬死無恨帝賜物三百

段慰諭遣之

後下詔褒美曰子蓋幹濟通敏操履清

猛得所處腸膏不潤其質酌貪泉豈渝其性故能治

績克彰課勗之首若能人思奉職各展其效朕將曷

旒垂拱何憂不治哉後除民部尚書有軍功進爵為濟公言其

功濟天下特為立名無此郡國也卒年七十有二子

蓋無他權畧在軍持重未嘗負敗臨民明察下莫敢

欺然掌軍旅時果於殺戮云

據隋書脩薛世雄字世英河東分陰人以戰功累遷儀同三司

右新衛車騎將軍煬帝嗣位番禺夷獠相聚為亂詔

世雄討平之遷右監門郎將世雄性廉謹凡所以行

軍破敵之處秋毫無犯帝嘉之謂群臣曰世雄廉正

節槩有古人之風超拜右翊衛將軍

據隋書廣州志參脩

薛道衡字玄卿河東汾陰人也少有才名高祖伐陳

授淮南道行臺尚書吏部郎兼掌文翰還除吏部侍

郎後抽擢人物有言其黨蘇威任人有意故者除名

配嶺表尋有詔徵還直內史省煬帝嗣位轉番州刺

史歲餘上表求致仕帝謂虞世基曰道衡將至當以

秘書監代之道衡既至上高祖文皇帝頌帝覽之不

悅顧謂蘇威曰道衡致美先朝此魚藻之義也於是

拜司隸大夫將置之罪道衡不悟會議新令久不能

决道衡謂朝士曰向使高熲不死令决當久帝怒曰汝憶高熲耶憲司重奏縊而殺之

據隋書韶州志參脩

柳旦字匡德河東解人大業初拜龍川太守民居山洞好相攻擊旦為開設學校大變其風帝聞而善之

下詔褒美四年徵為太常少卿攝判黃門侍郎事封

新城縣公子亨唐太常卿孫奭中書令

據隋書惠州志參修

論曰君臣之義無所逃於天地之間張茂度晉臣也避諱改節而王鎮之不樂為裕臣其志義守廉猶有良心存焉徐豁清廉勤恪陸徽化刑禮俗王琨清名亞於吳隱之雖漢循吏何以加諸餘人功雖足書然

忠孝大節其惟昌胤曇瓘乎自中原入魏江東分王

吾廣遂為嶺海雄藩泰始大亂益倚為重觀明帝與

駕部郎沈憲奕謂曰卿廣州刺史材也盖足徵已齊

祚短促永元稍安恩德在粵惟一范雲而猶不免詔

獄時政尚足言哉梁武帝時良政頗盛王僧孺不遺

越裝蕭勵貢登天府王勸清白著聞蕭介器識知亂

乃其最也王琳雖至嶺表莫普所施然忠類孔明吾

有取焉陳隋之臣大都伐叛柔遠之材惟劉權之不

二心樊子蓋之不渝清操柳旦之興學移風亦庶幾

者嘗考隋藝文志廣州刺史碑多至十有二卷然今

所獲見惟徐陵撰歐陽頎官蹟一篇而所謂德政不
過力政焉爾則其他名浮於實行之不遠宜矣
贊曰王道久淪禮義澆薄南朝訖隋機械弘作二王
徐陸宋治清恪惟梁王蕭同心蠲瘼大業不君崇本
或畧

廣東通志卷第四十五

廣東通志卷第四十六

列傳三

名宦二

唐

五季

鄧文進南陽人其祖徙家廣州素雄于財至文進獨
折節讀書以故士之流徙者競趨其門文進皆館穀
之賓客至千餘人因擇其勇畧者使扞鄉井俚尚夷
獠聞風悚服役屬唯謹隋大業中爲韶州刺史移州
治於武水西宇文化及弑煬帝于江都盜賊布滿天
下五嶺亦擾文進散財集兵以赴難旬月之間衆數
萬掠地至始興時賊帥林士弘據虔饒兵不克進與
戰輒敗於是保有廣韶二州歸之者如市豪酋楊世

畧據循潮馮益據高羅審長真據欽廉桂林諸郡文
進皆通書使以生民為念定盟同歸于好百粵之境
得免於兵革者文進之力也無何士弘稱帝遣使至
番禺授諸帥以偽官文進獨不受梁主蕭銑遣兵徇
嶺南攻樂昌即至樂昌率邑人拒守扼其鋒使不得
進唐高祖武德五年諸帥次第納款是年四月戊寅
文進遂統所部降高祖賜敕獎勞之即拜鷹揚將軍
累立戰功卒初理郡時嚴重有威為吏民所畏每戰
必身先士卒或奮臂一呼風雲變色軍中謠曰鄧守
嘯百夫避途言其勇也沒後多著靈響郡人為之立

廟祀于樂昌

據韶州志廣州人物傳參脩○按韶州志景泰中給事中白瑩以文進保障功

奏請賜謚忠襄府城以文進配享張文獻公祠

劉齡之彭城人唐初為廣州都督表稱嶺南州縣多
用士人任官不顧憲章惟求潤屋其婚嫁資需即稅
人子女百姓怨苦數叛且都督刺史多居莊宅動旬
月不至府詞訟皆委判官省選之人竟無几案勅詔
施行纔經省覽而已又首領娶妻不限多少肆情僥
奪於是下令禁斷蠻俗便之據廣州志修

元仁惠河南洛陽人北魏武陵王雄之孫周隋革襲
幼岐嶷有器局幹事動中繩墨大業末隱處巖林與

唐高祖有連武德初授右千牛錄事得與宿衛久之以公事免為雋州法曹擢循州河源縣令克巳為政蠻貊化其忠信嘗軫恤疲疇惠聲彰于嶺海北人處南畧無少疚後歷滑州靈昌陸州雒山二縣令仕已無喜愠之色終涼州長史據文苑英華脩馮立同州馮翊人有武藝略涉書記貞觀初為車騎將軍突厥至便橋立率數百騎與虜戰於咸陽太宗聞而喜歎拜廣州都督前後作牧者多黷貨為蠻夷患由是數怨叛立不營產衣食取給而已常至貧泉嘆曰此吳隱之所酌泉也飲一杯水何足道哉五

日汲而飲安能易吾性乎遂飲畢而去數年甚有惠

政卒於官

據唐書廣州志參脩

張玄素蒲州虞鄉人少為吏有清名事太宗拜侍御史遷給事中貞觀四年詔發卒治洛陽宮乾陽殿且東幸上書極諫即詔罷役賜綵二百匹魏徵謂論事有回天之力歷太子少詹事遷右庶子時太子承乾事游畋不悅學玄素累諫不納太子怒遣刺客伺之會被廢玄素坐除名為民頃之召授潮州刺史玄素不鄙夷遠民間命即就道既而徙鄧州訖不復親近高宗時以老致仕麟德初卒據唐書脩

王駿滄州景城人後徙洛陽駿少孤好學祖有方奇之曰是子當興吾家擢明經第貞觀中仕至殿中侍御史有知畧永徽初為連州刺史民徭安之景龍末授桂州都督劉幽求放封州廣州都督周利貞欲必殺之道出駿所駿知其故留不遣利貞移書趣幽求駿營抹得免由是名益起累遷至同中書門下三品卒贈尚書左丞相謚曰忠烈終唐之世刺連州為名相者駿一人而已據唐書連州志參脩

馮元常相州安陽人曾祖子琮北齊右僕射元常舉明經及第高宗時累擢監察御史嘗密諫中宮權重

嘗斥瑞物武后怒出之隴州徙劔南有平賊功轉齊

州都督詔便驛赴官安南酋領李嗣仙殺都護劉延祐劫州縣詔元常討之率士卒航海馳檄先示禍福賊黨多降元常遣兵斬首惡而還雖有功猶以拂旨見怨不錄功凡三徙不得至京師卒為酷吏周興所陷追赴都下獄死元常閨門雍睦有禮法雖小功喪不御私室神龍中旌其家大署曰忠臣之門天下高其節凡名族皆願通婚據唐書廣州志參脩

王義方泗州漣水人客于魏孤且寔事母謹甚淹究經術補晉王府參軍直弘文館素善張亮亮抵罪義

方貶儋州吉安丞道南海舟師持酒脯請福義方酌水誓曰有如忠獲戾孝見尤四維靡氛千里安流神之聽之無作神羞是時盛夏清霧蒸湧既祭天雲開霧人壯其誠吉安介蠻夷梗悍不馴義方召首領稍選生徒爲開陳經書行釋奠禮清歌吹籥登降跽立人人悅順久之徙洹水丞而亮兄子皎自朱崖還依義方將死諉妻子願以尸歸葬義方許之以皎妻少故與之誓於神使奴負柩輟馬載皎妻身步從之既葬皎原武歸妻其家而告亮墓乃去遷雲陽丞顯慶元年擢御史不再旬會宰相李義府令大理寺丞畢

正義縱囚婦淳于氏納以爲妾大理卿以狀聞正義下獄義府迫令縊死無敢發其姦義方彈奏彈義府疏云臣聞履霜堅冰積小成大請乞重勘當畢正義致死之由雪冤象於幽泉誅姦臣於白日對仗叱義府不退義方三叱上既無言義府趨出義方乃讀彈文義府善柔成性佞媚爲心昔事馬周分桃見寵後交劉洎割袖承恩生其羽翼長其光價因緣際會遂階通達不能盡忠端節對傲王休策蹇勵駑祗奉皇眷而反憑附城社蔽虧日月請託公行交遊群小貪治容之好原有罪之淳于恐漏洩其謀殞無辜之正義雖挾山超海之力望此循輕迴天轉日之威方斯更劣此如可恕孰不可容金風戒節玉路啓途霜簡與秋典共清忠臣將鷹鷂並擊請除君側少益鴻私碎首玉階庶明臣節伏請付法推斷以申典憲武氏之立乃義府謀也帝陰德義府乃貶義方萊州司戶叅軍歲終不復調往客昌樂聚徒教授母喪隱居不

出卒年五十五後義府顓恣帝嘗從容戒之義府誓然不謝徐引去帝由是不悅會有白其賊者詔司刑與三司雜訊監按有狀詔除名義府憤恚死流其子津于振州今崖州朝野相賀由義方彈擊之力也據唐書

臺志

唐臨字本德京兆長安人為侍御史奉使嶺外接交州刺史李道彥等申理冤繫三千餘人累轉黃門侍郎加銀青光祿大夫永徽元年為御史大夫明年華州刺史蕭齡之以前任廣州都督受賕當死詔群臣議請論如法詔戮于朝堂臨建言群臣不知天子所

以議之之意在律有八王族戮于隱議親也刑不上大夫議貴也今齡之貪賊狼扈死有餘咎陛下以異於他囚故議之有司又令入死非堯舜所以用刑者不可為後世法高宗從其奏齡之竟得流於嶺外尋遷刑部尚書加光祿大夫復歷兵部度支吏部三尚書顯慶四年奏遷張倫劔南巡察使李義府惡倫毀之武后謂臨銓人有私坐免官尋起為潮州刺史治潮勤瘁以惠愛為事卒于官年六十所撰冥報記二卷大行於世臨儉薄寡欲不好治第宅旁通專務掩人過見妻子必正衣冠世重其純行據舊唐書

韓瑗字伯玉京兆三原人仲良之子少習節行博學
 曉吏事累遷黃門侍郎同中書門下三品高宗將立
 武曌廢王皇后幽之瑗再三力諫悲泣不能自勝帝
 大怒促令引出尚書左僕射褚遂良復忤旨左授潭
 州都督瑗又上疏理之召瑗瑗稱遂良為社稷忠臣
 竟不見聽瑗憂憤表歸田里不報顯慶二年許敬宗
 李義府等希武氏旨奏瑗與遂良潛謀不軌坐貶振
 州今崖刺史至州謹默泣事踰年卒年五十四明年
 長孫無忌死義府等復奏瑗與無忌通謀上遣使殺
 之既至瑗已死發棺驗視乃還籍其家子孫為廣州

官奴神龍元年詔復瑗官爵據唐書

王方慶名絀以字行雍州咸陽人周少司空褒之曾
 孫其先自瑯琊南徙丹楊為江左冠族褒北徙入關
 始家咸陽方慶年十六起家越王府參軍嘗就記室
 任希古受史記漢書希古遷為太子舍人方慶隨之
 卒業永淳中累遷太僕少卿則天臨朝拜廣州都督
 南海歲有崑崙乘舶以珍物與中國交市舊都督路
 元叡冒取其貨崑崙懷刃殺之及方慶至任數載秋
 毫無所索又管內諸州首領舊多貪縱百姓有詣府
 稱寃者府官以先受首領叅餉未嘗鞫問方慶乃集

止府寮絕其交徃首領縱暴者悉繩之由是境內清
 肅當時議者以為有唐以來治廣州者無出方慶之
 右有制褒之曰朕以卿歷職著稱故授此官既美化
 遠聞實副朝寄今賜卿雜綵六十段并瑞錦等物以
 彰善政也證聖元年召拜洛州長史尋加銀青光祿
 大夫封石泉縣男萬歲登封元年轉并州長史封琅
 琊縣男未行遷鸞臺侍郎同鳳閣鸞臺平章事長安
 二年卒謚曰貞方慶博學好著述所撰雜書凡二百
 卷尤精三禮好事者多詢訪之少子駿工書知名性
 多嚴整官至殿中侍御史

據舊唐書廣州志參脩

張柬之字孟將襄州襄陽人少補太學生博通經史
 尤好三禮進士擢第補青城丞永昌元年以賢良召
 時年七十餘矣對策千餘人擢柬之為第一授監察
 御史歷鳳閣舍人荊州長史武后稱制狄仁傑薦柬
 之為相首謀誅張易之昌宗遷武后于西宮迎中宗
 復辟進中書令尋奪其政柄惟以功封漢陽郡王柬
 之懇辭不許求還襄州養疾乃授襄州刺史及武三
 思亂政譖柬之奪爵貶新州司馬仍令長任至州以
 愷悌臨民治事勤慎已而連貶瀧州聞同事桓彥範
 等被誅遂不勝憂憤而卒年八十二景雲元年贈中

書令謚文貞

據唐書肇慶志參脩○唐詩紀事皇甫

漢陽左袒清諸武休明神器正文物舊儀觀南向翽大君西宮朝聖母茂勳鏤鍾鼎鴻勞食茅土至今稱五王卓立邁萬古

魏元忠宋州宋城人爲太學生上封事言命將用兵之要高宗善之授秘書省正字遷監察御史帝嘗從容曰外以朕爲何如主對曰周成康漢文景也然則有遺恨乎曰有之王義方一世豪英而死草萊議者謂陛下不能用賢帝曰我適用之聞其死顧已無及嗣聖初爲御史中丞爲酷吏來俊臣所構將就刑神色不動前死者宗室子三十餘尸相枕藉於前元忠

顧曰大丈夫行居此矣俄勅鳳閣舍人馬隱客馳騎免死傳聲及于市諸囚歡叫元忠獨堅坐左右命起元忠曰未知實否既而隱客至宣詔已乃徐謝亦不改容流費州復爲中丞歲餘陷侯思止獄仍放嶺南酷吏誅人多訟元忠者乃召復舊官聖曆二年拜相尋以御史大夫兼檢校洛州長史張易之家奴暴橫元忠答殺之權豪憚服中宗在東宮爲檢校左庶子時二張勢傾朝廷元忠嘗奏曰臣承先帝之顧且受陛下厚恩不能徇忠使小人在君側臣之罪也易之等恨怒譖元忠於太后詔下獄遂貶爲高要尉至端

州即治戎旅備洞寇居暮月民夷恬謐神龍初中宗復位其日即召拜中書令封齊國公卒年七十餘謚

曰貞據唐書肇慶志參脩

常懷德新豐人少習三禮明經及第仕歷郡邑俱有

治聲高宗儀鳳間為潮州刺史厓山賊寇郡遣兵擒

其渠魁誅僂以徇餘黨悉散其為政惟以禮教民民

皆化之喪祭罕有用浮屠者澆訛為之一變據潮州志脩

宋慶禮洛州永平人擢明經補衛尉武后朝遷大理

評事為嶺南採訪使時崖振等五州首領更相攻掠

民苦于兵使者至輒苦瘴癘莫敢往慶禮身到其境

諭首領大誼皆釋讐相親州土以安罷戍卒五千歷

監察侍御史以習識邊事為支度營田使兼營州都

督卒贈工部尚書慶禮為政嚴少私吏畏威不敢犯

大常博士張星以奸巧自是謚曰專禮部員外郎張

九齡申駁曰慶禮國勞臣在邊垂三十年往城營州

士纜數千無甲兵疆衛宿期而往不失所慮遂罷海

運收歲儲邊亭晏然其功可推不當醜謚慶禮兄子

辭玉亦自詣闕訴改謚曰敬據唐書瓊臺志參脩

韋承慶字延休鄭州陽武人也其先自京兆徙家于

襄陽父思謙事高宗以直聲累遷鳳閣鸞臺三品為

納言承慶少恭謹事繼母以孝聞舉進士儀鳳中爲
太子司議郎上書諫太子賢近聲色昵小人又獻諭
善箴賢稱善賜予甚厚承慶又以人之用心多擾濁
浮躁罕詣冲和乃著靈臺賦以廣其志武后擢鳳閣
侍郎同鳳閣鸞臺平章事神龍初中宗復位坐附推
張易之弟昌宗失實配流嶺表時張易之等既伏誅
承慶去巾解帶待罪將草赦書衆議以爲無如承慶
者乃召承慶草之承慶神色不撓援筆而成辭甚典
美當時咸歎服之爲高要尉至任有送紫石硯者置
案上歲餘起辰州刺史以前硯還之復封扶陽縣子

爲黃門侍郎未拜卒贈秘書監謚曰温

據舊唐書
通志參脩

竇漢者扶風人父思亮榆林太守卒官家事日落漢
攻明經業不第意恬如也後以名家子被舉爲亭令
有能聲召爲鴻臚丞改殿中丞中宗欲立安樂公主
爲皇太女以問禮官漢奏曰京房易云陰當陽大不
祥昔天后御龍於南面今公主駕鶴於東宮皆大亂
之道也帝惡其悻直出爲忠州長史流宕成都久之
聞太子重俊被僂嘆泣監司復以怨黜尋起爲端州
長史厲志臨政日昃忘食聽辭制劇民甚宜之竟以
勞悴卒官

文苑英華張九齡爲李郎中祭舅竇端州
文始虞命夏暴于玄穹功垂刊木德叶堙

洪洎帝相之難作誕少康於竇中由屯獲吉因生受
 封降及後代傳勲繼庸西京則嬰為外戚東漢則融
 居上公愍陽城之不享始移籍於扶風源遠更清基
 高自峻有焯明靈藹然休聞陋巷不憂坦途方進月
 遠標儀霞高映論王寧韞匱錐要處棄宜伸尚屈將
 集猶翔師淑大易謙尊以光誓安老氏績少易賞爰
 紆銅墨是宰濠梁宓琴時奏潘樹逾芳入贊朝儀言
 揚事舉圭壁蠻夷并晃文武吐辭含韻知今博古進
 揖退揚從規合知復陶略位殿省承榮孔門之束帶
 無忝漢宮之綿叢難更君子信讒小人道長未暇閉
 關難期稅鞅暫待符竹遠出羅網誰識卑飛因成利
 往銅梁改秩錦里經時人去而琴臺壞棟文移而石
 室摧基劉弘之重銘葛廟王商之更立嚴祠隴首云
 歸端溪遂逐角豈觸藩鬻終困木海濶天高山深霧
 毒許靖他鄉有名無祿馬超正色宜歌反哭何為善
 之無馮而降災之甚速某欽惟教義夙所依因在昔
 家世勤王實殷高旗大旆結駟飛輪慶豈遺於自出
 榮實垂於外姻一紀已來艱凶遘及嗟宅相以無取
 懼堂構之不集詎言渭水之乖離竟絕西州之出入
 嗚呼哀哉違京背闕古陌荒芊松門積霽隴首停烟

祖庭是日乞野何年淚有血而皆墮憤無膺而可直
 况玆剖郡符璟持使節塞遠城迥河窮路絕顧後瞻
 前形孤影才長號出次重拜臨亢酒醴清濃

李邕字泰和揚州江都人父善崇賢館直學士邕少
 知名始善注文選邕附事見義世傳其業號文選學
 既冠見特進李嶠願讀秘書得假直閣萬卷皆應辯
 如響嶠歎曰子且名家遂以文章顯拜左拾遺會御
 史中丞宋璟劾張昌宗等反狀武后不應邕立階下
 大言曰璟所陳社稷大計陛下當聽后色解即可璟
 奏中宗立鄭普思因韋氏以方技幸擢秘書監邕上
 疏切諫不納五王為武三思所殺邕坐善張柬之貶

富州司戶參軍舊志富韋氏平召拜左臺殿中侍御

史彈劾任職人頗憚之姚崇疾邕險躁左遷括州司

馬起為陳州刺史玄宗東封邕獻辭賦素與中書令

張說相惡會仇人告邕賊罪下獄當死許昌男子孔

璋上書曰明主舉能而捨過取才而棄行烈士抗節

平不以行禽息隕身不析生北郭碎首不愛死向若

林父誅陳平死百里不用晏嬰見逐是晉無赤狄之

土漢無天子之尊秦不彊齊不霸矣伏見陳州刺史

邕剛毅忠烈難不苟免往者折二張之角挫韋氏之

鋒雖身受謫屈而姦謀沮解即邕有功於國且邕所

能者拯孤恤窮救乏調急家無私聚今聞坐賊下吏

死在旦夕臣聞生無益於國者不若殺身以明賢臣

願膏鈇鉞以代邕死臣與邕生平不欵曲臣知有邕

邕不知有臣夫知賢而舉仁也任人之患義也獲二

善以死臣又何求伏惟陛下寬邕之死使率德改行

興林父幽逆之功臣得瞋目附禽息北郭之迹大願

畢矣若以陽和方始重行大戮則臣請伏劍不敢煩

有司皇天后土實聞臣言况告成岱宗天疏奏邕得

地更新赦無復論人誰無罪惟明立圖之

減死貶欽州遵化尉今靈流璋嶺南而死香山志貢

璋葬邕眉重名所至聚觀如堵至欽漸罕來者乃讀

兵書巡訶往來飲欽江之水以為醴泉不是過也為

文祭之感時傷事作六公詩以美張柬之桓彥範敬

暉袁恕已崔玄暉狄仁傑盡忠唐室因自寄焉後遇

中官楊思勗討嶺南賊有功徙灃州司馬累轉括淄

滑三州刺史上計京師中使臨問索其新文復為人

陰中竟不得進出為北海太守天寶中吉温與宰相

三

李林甫因他獄傳其罪詔御史羅希奭就郡杖殺之

時年七十代宗朝始贈秘書監○據唐書欽州志參脩

宙間高才日陵替古人不可見前輩復誰繼憶昔李

公存詞林有根柢聲華當健筆灑落富清製風流散

金石追琢山岳銳情窮造化理學貫天人際于謁走

其間碑版照四裔各滿深望還森然起凡例蕭蕭白

揚路洞徹寶珠惠龍宮塔廟湧浩劫浮雲衛宗儒俎

豆事故吏去思計明瞭已皆虛跋涉曾不泥向來快

當時豈獨勸後世豐屋珊瑚鈎騁織成烈紫驕隨

劍几義取無虛歲分宅脫驂間感激懷未濟衆歸賙

給美擺落多藏穢獨步四十年風聽九臯嗚呼江

夏姿竟掩宣尼袂往者武后朝引用多寵愛否臧太

常議面折二張勢衰俗凜生風排蕩秋旻霽忠貞負

冤恨宮闕深旋綴放逐早聯翩低垂因炎厲日斜鵬

鳥入窺斷蒼梧帝榮枯走不暇星駕無安稅幾分漢

庭竹夙擁文侯筆終悲洛陽獄事近小臣敝禍階初

負謗易力何深齎伊昔臨淄亭酒酣託末契重叙東

都別朝陰改軒砌論文到崔蘇指盡流水逝近伏

川雄未甘特進麗是非張相國相扼一危脆爭名上
豈然鍵捷欵不閉例及吾家詩曠懷掃氛翳慷慨
真作咨嗟玉山桂鍾律儼高懸鯨鯨噴迨遭坡陀青
州血蕪葭汶陽瘞哀贈竟蕭條恩波延揭厲子孫在
如綵舊客舟凝滯君臣尚論兵將帥
接燕薊朗詠六公篇憂來豁蒙蔽

宋璟邢州南和人舉進士耿介有大節好學工文辭

累遷鳳閣舍人武后高其才遷左臺御史中丞飛書

告張昌宗謀反連易之等璟請下吏明國法有詔原

之璟顧左右歎曰吾悔不先碎豎子首而令亂國經

神龍初韋月將告武三思亂宮掖璟力爭月將不當

誅帝不得已流月將于嶺南睿宗立以吏部尚書同

中書門下三品兼太子右庶子奏出太平公主及諸

王於外貶刺楚州開元初爲御史大夫坐小累出爲
睦州刺史徙廣州都督廣人以竹茅茨屋多火璟教
之陶瓦築堵列邸肆越俗始知棟梁而免延燒患恩
州苗帥作亂遣五府總管臨之以甲卒開諭以恩信
革心降服夷落大寧召拜刑部尚書尋遷吏部兼侍
中封廣平郡公廣人爲璟立遺愛頌璟上言頌所以
傳德載功也臣之治蹟不足紀廣人以臣當國故爲
溢辭徒成諂諛者欲釐正之請自臣始有詔許停止
樹張說所著碑終尚書右丞相致仕璟風度凝遠人
莫涯其量始自廣州入朝帝遣內侍楊思勗驛迓之

未嘗交一言思勗自以將軍貴幸訥之帝帝益嗟

自唐有天下廣之名宦以璟爲首稱然名相亦莫有

過之者開元二十五年卒贈太尉謚文貞據唐書廣州志曲江

集參脩○遺愛碑見藝文志

甄亶字道一中山無極人慷慨多大畧好學能詩以

親老不就辟命後廬墓以孝徵累官夏州都督坐討

山戎逗遛不進貶撫州刺史未至官會宋璟被召代

爲廣州都督兼嶺南按察五府經畧討擊使軍旅藩

翰泣事適宜當盛夏行部感疾卒于官年五十有七

廣人皆痛惜之據文苑英華曲江集參脩○張說廣州都督甄公碑君諱亶字道一中山

無極人也昔胡公紹舜奄有大邦楚子縣陳逃威樂
 上當烈王之世有陳通奔周王以爲忠將美其族言
 舜陶甄之職命爲甄氏錫姓因生如堅之讀形聲轉
 注以真爲音處則稱劉明歸音者以異變而爲郭蓋
 承號者有馮通之裔邯仕漢爲太守司馬承陽侯
 邯上六代而生鸞仕齊爲太山太守司馬承陽侯
 縣伯撰笑道論行於代鸞生隋汾州刺史族生隋
 沁州刺史紹紹生隋新市令協協生單于大都護府
 錄事參軍贈宋州刺史封惟祖惟曾在商在夏世濟
 其美末觀厥成君即宋州府君之弟曰子也博綜經
 史脫畧流俗情之所遺對咫尺於千里氣之所重輕
 百金於一諾曰興曰比階應劉之闡奧或草或真藏
 鐘張之筋骨譽滿鄉曲聲聞闕庭天后臨朝再加辟
 命皆辭以親老不赴逮疾革易箆骨立廬墓復有制
 徵焉刺史獨孤莊率府寮敦諭起於墳左乃授左全
 吾中候生盡其養豈違親許人沒盡其哀方委身徇
 國或用或捨有以見大君之仁時止時行有以觀大
 孝之節君臣之際其遠矣哉尋除左千牛長史檢校
 武軍長史攝右臺郎御史兼靈武道行軍長史攝右
 屯衛郎將副臨洮軍史轉右驍衛郎將爲臨洮大使

并蘭州刺史兼榆林臨洮等軍大使除夏州都督無
 鹽州防禦使徵授幽州都督衣之以紫攝御史中丞
 爲河北軍州節度大使君政成周月惠則在人惠是
 緩風表以去職未幾復除夏州都督屬山戎橋度叔
 優擾王畧兵落天上思回行以出奇虜墮計中守便
 宜而未進時以爲逗遛貶撫州刺史朝廷明此舉也
 未到官遷廣州都督兼嶺南按察五府經畧討擊使
 春秋五十有七開元五年七月二十六日終於官舍
 以某年八月歸葬於恒陽之王公山南原不忘本也
 君三承命再攝憲曹八典戎旅五司藩翰事之去
 就所歸必執其中職之高卑爲政各當其選觀其果
 於事喻於義下學而上達強立以知類畏克厥愛道
 無常師有商之文兼求之藝習禮必本飾之以菁華
 積行必崇茂之以枝葉以此探順則投刃皆虛矣以
 此効官則操刀必割矣是故郡士之所蕩蕩由是言
 所綽約常情之所戚戚而君之所謂也所蕩蕩由是
 榆之與海運鳴琴之與星入從之可知也惜其志懷
 慨雅多與海運鳴琴之與星入從之可知也惜其志懷
 人之敵竟不得橫絕漠騁雄筭刮狼望之侵鏡乎太
 清卷瀚海之波靜而可掃駸駸之足受羈馭驥之途

堂堂之貌不畫麒麟之閣彼哉彼哉有遺恨矣其孤
其等望兮不至求兮不得求懷揚名庶慰罔極銘曰
有鰥在下陶復河濱元女作合相牧于陳楚為不道
祚以未淪周寵忠節氏以初因不惟承陽致君論道
施及無極建家戴考彼汾以初因不惟承陽致君論道
亦孔之好積慶潛演俊以挺生標格磊落氣志清明
八司戎事厥謀有成五刺方伯厥政有聲山有杞梓
工思其度國有孫吳君思其畧棄德珠浦遺氛沙漠
惜哉不常今也可作恒岳臨北濤沱注東仁不忘本
孝亦令終壽堂盤薄牧子充窮勒美松隧穆如清風
○張九齡為王司馬祭甄都督文維開元五年歲次
丁巳九月丁酉朔十四日庚戌官某謹以清酌之奠
祭于廣州都督甄公之靈惟公稟氣異人為國良臣
資忠秉義奮翼躍鱗富貴自取聲名益震故能北擁
旄於玄朔南仗節於朱垠行部無幾則望雨而隨車
在聽雍歌成曲下流是仰長塗反促如望雨而隨車
遽驚風而轉燭嗚呼哀哉甫茲歲首彤襜載輝今也
秋季丹旒言歸既寒來而暑往將物改而人非駟馬
不馭雙鴈空飛對平生之氣象詠宿息之音徽燕越
兮地眇胡山兮路微奠肴觴之在席感徒御以霑衣

嗚呼哀哉尚饗

裴佖先絳州聞喜人宰相炎從子未冠蔭為太僕丞
炎請武后歸政被斥為人誣告僂死佖先坐流嶺南
上變求面陳得失后召見盛氣待之曰炎謀反法當
誅尚何道佖先對曰陛下唐家婦身荷先帝顧命宜
還太子東宮罷諸武權不然豪傑且起不可不懼后
怒命曳出杖之朝堂長流瀼州后將殺流人佖先前
知走突厥被執繫獄得不死中宗復位求炎後授佖
先詹事丞遷秦桂二州都督所至夷狄讐服開元中
遷廣州都督廣故多貨佖先政務清簡廣人愛之謂

自宋璟後廉能繼武者惟先而已後坐累且誅賴宰
相張說右之免官久乃起擢至京兆尹進工部尚書
封翼城縣公卒年八十六

據舊唐書脩

齊澣字洗心定州義豐人少開敏年十四見特進李
嶠稱有王佐才中宗王廬陵澣上言請抑諸武迎太
子東宮不報及太子還武后召澣宴同明殿諭曰朕
母子如初卿豫有力焉開元初姚崇復相用為中書
舍人論駁及詔誥皆援準古誼朝廷大政必咨之時
號解事舍人數諷崇年老宜避位時宋璟在廣州因
勸崇舉自代崇用其謀璟遂為相中書令張說薦澣

為右丞尋進侍郎時王毛仲寵倖言無不從澣乘間
言高力士小心謹畏可委任何必毛仲哉惟陛下密
此言澣以語大理丞麻察察以告帝怒召澣入殿中
曰卿尚疑朕不密而反告察謂何澣免冠頓首謝貶
高州良德丞即力士故鄉也澣教民力穡招徠流亡
才譽歆動嶺表士人索其迎復奏草澣不荅久之徙
索盧丞累徙汴州刺史素操寢衰更倚力士助得為
兩道採訪使天寶初卒年七十二

據唐書通志參脩

李朝隱字光國京兆三原人少以明法舉累授大理
丞神龍中功臣敬暉桓彥範為武三思所構諷侍御

史鄭愔奏請誅之勅大理詰其罪朝隱以所犯不經
推窮未可即正刑名時裴談為大理卿異筆判斷仍
籍沒其家朝隱由是忤旨中宗令貶嶺南惡處侍中
韋巨源中書令李嶠奏曰朝隱素稱清正斷獄亦甚
當理一朝遠徙嶺表恐天下疑其非罪中宗意解出
為聞喜令尋遷侍御史開元中轉岐州刺史母憂去
官朝隱惟孝友時年已衰暮尤加毀瘠有詔起復抗
疏固辭許之後為大理卿封金城伯代崔隱甫為御
史大夫轉太常卿二十一年兼判廣州事仍攝御史
大夫充嶺南採訪處置使軫恤民隱屢有建議公直

廉潔輿論稱之明年卒於嶺外年七十贈吏部尚書

官給靈輦兼家口給遞還鄉謚曰貞

據舊唐書廣州志參脩

姜晦秦州上邽人高祖暮與唐高祖有舊授本州刺史
曾祖確以平高昌功封金城郡公祖簡襲爵父柔遠
鷹揚衛將軍晦以世家子起家參軍縣令有威惠聲
開元初擢御史中丞兄皎復議玄宗於藩邸為太常
卿有權寵晦為吏部侍郎處事精明私相屬諉罪輒
得人皆以為神廷議恐其以嚴敗既而賊跡路塞品
流有叙眾乃伏蛟被放配流欽州晦亦左除中馬卿
貶春州司馬嘗遇旱禱于射木山輒雨因立神祠洞

僚出沒晦嘗提兵陟岡賊皆遜去遂名為將軍嶺云

後徙海州刺史卒

據唐書通志參脩

宇文審京兆萬年人曾祖節永徽初為侍中父融事
玄宗勸農營利墾九河權陸運興役紛然百姓愁怨
進平章事受賊狼藉詔流于巖州道廣州遷延不行
為都督耿仁忠所讓惶恐上道審與兄弟侍毋京師
及聞融再貶使者方行審不告其家徒步號泣省父
使者憐之以車共載達于巖州後擢進士第累遷大
理評事楊國忠顓政殺嶺南流人以中使傅口勅行
刑畏議者嫉其酷乃以審為嶺南監法處置軍使活

